

續金華叢書



舊金華叢書



金
玉
鉢

元
寶

袁勵準



甲春康宗校
子永胡林鍊

丹溪先生金匱鉤玄目錄

卷第一

中風	六鬱	癩	寒
傷寒	暑	注夏	暑風
濕	內傷	火	傷風
發斑	疹	溫病	瘧
咳嗽	痰	喘	嘔
痢	禁口痢	泄瀉	脾泄
霍亂	乾霍亂	嘔吐	惡心
翻胃	傷食	痞	噯氣
吞酸	嘈雜	五疸	消渴泄瀉
水腫	鼓脹	自汗	盜汗
吃逆	頭風	頭痛	頭眩
眩暉	眉痛	耳聾	

卷第二

心痛	腰痛	脇痛	腹痛
痛風	効療	咳血	嘔血
咯血	効血	渴血	下血
腸風	夢遺	精滑	燭
淋	小便不通	關格	小便不禁
癟	健忘	怔忡	驚悸
瘻塊	吐蟲	癥瘕	發熱
瘻	脚氣	痿	手木
陽虛惡寒	手心熱	喉痺	經喉腫
厥	面寒面熱	酒查鼻	肺瘻
咽喉生瘻	口瘻	漏瘻	痔瘻
肺瘻	天疱瘻	脫肛	
腸瘻			
結核			

卷第三

婦人科 經水 血崩 帶下赤白

白帶并痛風 子嗣

胎前

胎動 惡阻 束胎

安胎

胎漏 子腫 雜產

催生方

產後 血暈 補虛

消血塊

泄 暴露不盡

中風

發熱惡寒

小兒科 吐瀉黃疸

急慢驚風

疳病 痘瘡 腹脹

夜啼

口糜 脫囊 肛肛

木舌

癰症 咳紅 呕泥

痢疾食積

解廩 虱蟲 口噤

風痰

癩頭 赤瘤 鼻赤

列傳

銀鑄

鑄山

木舌

鷹鵠

鵠鷹

鵠鷹

小兒

兒小

兒小

鐵漢

漢鐵

漢鐵

鷺

鷺鷺

鷺鷺

鷗

鷗鷗

鷗鷗

鷂

鷂鷂

鷂鷂

鷀

鷀鷀

鷀鷀

白鷂

鷂白

鷂白

鷂人

鷂人

鷂人

鷂錄

鷂錄

鷂錄

丹谿先生金匱鉤玄卷一

門人戴元禮錄

續金華叢書

中風

大率主血虛有痰以治痰爲先或虛挾火與濕亦有死血留滯者
外中於風者亦有中氣者當從痰治順氣化痰若口開手撒眼
合遺尿吐沫直視喉如鼾睡肉脫筋痛者皆不治

半身不遂大率多痰在左屬死血無血在右屬痰有熱氣虛
病若在左者四物湯等加桃仁紅花竹瀝薑汁在右者二陳湯四
君子等加竹瀝薑汁

痰壅盛者口眼喎斜者不能言者皆當吐

吐法輕用瓜蒂鰐汁皂角重用藜蘆半錢或三分加麝香灌入鼻
內或口內吐痰出一吐不已再吐之亦有虛而不可吐者
氣虛卒倒參芪補之

氣虛者有痰濃參湯合竹瀝薑汁

血虛宜四物湯俱用薑汁炒恐泥痰再加竹瀝薑汁入內服能食者去竹瀝加荆瀝

又法以猪苓皂角白礬等分爲末薑湯調下名落涎散
血虛者四物湯補之 挾痰者亦用薑汁竹瀝
脉訣內言諸不治證見則不可治筋枯者不治舉動則筋痛者是筋枯以其無血滋潤故也

治痰氣實能食用荆瀝 氣虛少食用竹瀝

此二味用開經絡行血氣入四物湯中必用薑汁助之

肥白人多濕少用附子烏頭行經

初昏倒急掐人中至醒然後用去痰藥二陳湯四物四君子等湯
大加減用

六鬱

戴云鬱者結聚而不得發越也當升者不得升當降者不得降當變化者不得變化也此爲傳化失常六鬱之病見矣氣鬱者智

脇痛脈沈澁，濕鬱者周身走痛或關節痛，遇陰寒則發。脈沈細，痰鬱者動則卽喘，寸口脈沈滑，熱鬱者脅小便赤，脈沈數，血鬱者四肢無力，能食便紅，脈沈食鬱者噯酸腹飽，不能食，人迎脈平和，氣口脈緊盛者是也。

氣血中和，萬病不生，一有怫鬱，諸病生焉。

氣鬱 香附子

川芎

濕 蒼朮

川芎

海石 香附

南星

熱 青黛

香附

血 桃仁

紅花

青黛

川芎

食 蒼朮

香附

鍼沙

炒山楂

春加芎 夏加苦參

秋冬加吳茱萸

越鞠丸 解諸鬱 又名芎朮丸

蒼朮 香附 撫芎 神麴 梔子等分爲末，水丸如茶豆大

凡鬱皆在中焦以蒼朮末撫芎開提其氣以升之假如食在氣上
提其氣則食自降餘皆倣此

癲

大風病是受得天地間殺物之氣古人謂之癘風者以其酷烈暴
悍可畏耳人得之者須分在上在下夫在上者以醉仙散取涎
血於齒縫中出在下者以通天散取惡物陳蟲於穀道中出取
出雖有道路之異然皆不外乎陽明一經治此證者須知此意
看其疣瘡與瘡上先見者上體多者在上也下先見者下體多
者在下也上下同得者在上復在下也陽明胃經與大腸無物
不受此風之入人也氣受之則在上多血受之則在下多氣
俱受之者上下俱多也自非醫者神手病者鐵心罕有免此夫
從上從下以漸而來者皆可治人見其病勢之緩多忽之雖按
法施治病已痊可若不能忌口絕色皆不免再發發則終於不
能救也余曾治五人中間惟一婦人不再發以其貧甚而且寡

無物可喫也餘四人三四年後皆再發孫真人云吾嘗治四十人終無一人免於死非真人不能治蓋無一人能守禁忌耳此婦人本病藥外又服百餘貼加減四物湯半年之上方得經行十分安愈

治法 在上者醉仙散在下者通天再造散後用通神散及三稜鍼於委中出血但不能忘口絕房者不治之也

醉仙散

胡麻仁 牛蒡子 蔓荊子 枸杞子 各半兩爲粗
白蒺藜 苦參 瓜蔞根 防風 末同炒紫色
右八味爲細末每一兩半入輕粉三錢拌勻大人一錢空心日午
臨睡各一服淡茶調下五七日間必於齒縫中出臭涎水渾身
覺痛昏悶如醉利下惡臭屎爲度量大小虛實加減與之證候
重而急者須以再造散下之候補養得還復與此藥喫須斷鹽
醬醋諸般魚肉椒料果子燒炙等物止可淡粥及淡煮熟時菜

食之茄尙不可食惟有烏稍蛇茱萸花蛇可以淡酒煮熟食之以助藥力

再造散

助藥力

鬱金

半兩
生用

大黃

一兩
炮

皂角刺

一兩
黑者
大者

白牽牛

頭末六錢半
炒半生用之

右爲末五錢臨夜冷酒調下以淨桶伺候泄出蟲如蟲口黑色乃是多年蟲口如赤色是近者三數日又進一服直候無蟲卽絕根也

寒主乎溫散

有卒中天地之寒氣有口傷生冷之物

戴云此傷寒謂身受肅殺之氣口食冰水瓜果冷物之類病者必脈沈細手足冷息微身倦雖身熱亦不渴倦言語或渴熱病誤用此法輕者至重重者至死凡脈數者或飲水者或煩燥動搖者皆是熱病寒熱二證若水火也不可得而同治誤卽殺人學

者慎之

傷寒

傷寒必須身犯寒氣口食寒物者從補中益氣湯中加發散藥屬內傷者十居八九其法邪之所奏其氣必虛只用補中益氣湯中從所見之證出入加減氣虛熱甚者少用附子以行參芪之劑如果氣虛者方可用此法以止傷寒治法可用於南方不宜

北

暑

戴云暑乃夏月炎暑也盛熱之氣著人也有冒有傷有中三者有輕重之分虛實之辨或腹痛水瀉者胃與大腸受之恶心者胃口有痰飲也此二者冒暑也可用黃連香薷飲蓋黃連退暑熱香薷消暑水或身熱頭疼躁亂不寧者或身如針刺者此爲熱傷在分肉也當以解毒白虎湯加柴胡氣如虛者加人參或咳嗽發寒熱盜汗出不止脉數者熱在肺經用清肺湯柴胡天水

散之類急治則可遲則不可治矣或火乘金也此爲中暑凡治病須要明白辨別慎勿滾同施治春秋間亦或有之切莫執一證病處方爲妙

黃連香薷飲 挟痰加半夏 乘虛加人參黃芪或清暑益氣湯加減用之

注夏 屬陰虛元氣不足

戴云秋初夏末頭痛腳軟食少體熱者是也補中益氣湯去柴胡升麻加炒黃柏挾痰止用南星半夏陳皮之類或生脈散出于金方

暑風

戴云暑風者夏月卒倒不省人事者是也有因火者有因痰者火君相二火也暑天地二火也內外合而炎熾所以卒倒也痰者人身之痰飲也因暑氣入而鼓激痰飲塞礙心之竅道則手足不知動躡而卒倒也此二者皆可吐內經曰火鬱則發之挾

火挾痰實者可用吐法吐即發散也量其虛實而吐之吐後可用清劑調治之

濕

戴云濕有自外入者有自內出者必審其方土之致病源東南地下多陰雨地濕凡受必從外入多自下起以重腿腳氣者多治當汗散久者宜疎通滲泄西北地高人多食生冷濕麵或飲酒後寒氣怫鬱濕不能越作腹皮脹痛甚則水鼓脹滿或通身浮腫如泥按之不起此皆自內而出也辨其元氣多少而通利其二便責其根在內也此方土內外亦互相有之但多少不同須對證施治不可執一本草蒼朮治濕上下俱可用一陳湯加酒芩羨活蒼朮散風之藥行溼最妙

內傷

內傷病退後燥渴不解者有餘熱在肺家可用參芩甘草少許薑汁冷服或茶匙桃蠶汁與之虛者可用人參湯世之病此者爲